

ياليل ياساري

ياليل ياساري على شاطيء النيل
ياكثر مابك من وناسة وضيقه
ماغير أوسع خاطري بالمواويل
من خوف يشعل في الضماير حريقه
لابه بني عم ولا به مراحيل
من دونهم بحر يخوف بريقه
أثر العزب للنشاما بهاذيل
والبعد من بين الرفيق ورفيقه
تصبر على الغربة زحول الرجاجيل
اللي تمسك بالحبال الوثيقه
والا الردي لو غاب من حرمة ليل
الليل الآخر دونها مايطيقه
سلطان الهاجري

رماد الحزن

في صفحة النسيان أكتب وأمحي
مره واجن من الولع مرة أهجيك
احترت بين أنقاض حزني وفرحي
ساعة اسولف بك وساعة اخليك
لا هففت نسمة في قلبي تصحي
ورغم الجفا نار الوله بي تناديك
وعن ماضي الذكرى ابا شيل جرحي
لا شوق لا فرحه ولا دموع ترجيك
صيف الوعود يطول ويطول شرحي
وماتت زهور الحب في حضن أوديك
وانهد في دنيا الغرابيل صرحي
كل الجوارح تشتكي لك وتشكيك
واليوم باعاند ظنونك وأضحى
وأدفن في قلبي ما نقشته بأياديك
صدى الحرمان